

UTL AT DOWNSVIEW



D RANGE BAY SHLF POS ITEM C
39 14 30 12 08 027 4

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

PL
248
A3K4

Adivar, Halide Edib
Ken'an gobanlari

4214

18/23

مقاله ادیب

کنعان چوبانلری


اوپه را (اوچ پرده)

بسته کاری

ودیع صبرا

استانبول

۱۳۳۴



Adivar, Halide Edib

ہالیدہ ادیب

Ken'ân çobānları

کنعان چوبانلری

اوپہ را (اوج پردہ)

ہستہ کاری

دریغ صبرا

اورخانیہ مطبعہ سی

۱۳۳۴



PL
248
A3K4

اشخاص

چو بان
مصر ملڪي
مصر ملڪنڪ زوجہ سی

يوسفڪ برادرلری

مابینجی

رقاصہ لر ، خدمتکار ، ایکی یلپازہ جی

یوسف
یوسف
آسنات

یہودا
نفثا

راٹوبین
سمعون

جاد
دان

یقشان

برنجی پرده

کوکده قیزیل بر کونش . یرده قیزغین صیجاقلغک
برنبض کی آتارق چاتلاتدینی برمرعی، بوراسی دوتان
مرعاسی . شوراده بوراده بر قاچ خرما آغاجی وار .
یعقوبک چوبان اولادلی آلتنده دیکله نیورلر . سورولری
شریعه کنارنده که ویش کتیریور . چنقراقلر صوصمش .
مرعی، خلقتک ایلک کونلری قدر سس سز . اطرافده
یووارلاق نهایتسز برالتون چول . . واونی اورتن قیزیل
کونشلی، پارلاق مائی، برقبه . . بو محتشم صیجاقلق
انسانی، حیوانی وچولک بوتون ذراتی یاقیور، قاووریور .
بلکه ده دیکله سه لر قوملرک قاوورلدیغنی، صولرک قاینایوب
قورودوغنی چوبانلر دو یاییلرلر فقط اونلر انجق ایکی
سس دویورلر . بری تا اوزاقلردن کلن قوال . . بری ده
بوسما . بو حرارتله، بو آتشله قاوورولان احتراصک قاینایشی .
بر آز صوکره بو احتراص بشریتک ایلک فاجعه لرندن
برینک ایلک پرده سنی اوینایه جقدر .

جاد — ظن ایتمه که یوسف ساده سزك قباحتلریکزی
سویله یور عینی زمانده بزمده جاریه دن اولد-
یغمزی اونو تمایور . لئه نك چو جوقلرینه
یا پامدیغنی بزه یاپیور .

نفتا — خاییر ! خاییر ! او راحله نك جاریه سی بله ه دن
اولدیغمز ایچین قرده شلر وبوتون قبیله اوکنده
بزی تذلیل ایدیور یوزیمزی یره کتیریور .
هر اقسام سورولرله دوندیگمز وقت
اوطبقی راحله نك کوزلرینه بگزه یین سیاه
کوزلریله بابامزی هر کس دن اول کورویور ،
یانه صوقولیور ، جلعاد داغ نك کچیلری قدر
سیاه صاچلرینی بابامک بیاض صاچنه قاریشد-
یریور .

چولک ایلیق روزکاری کبی نفسی بابامک
قولاقلرندن تا جاننه کیریور . اوراده
راحله نك اسکی قدرتی ، اسکی آتشی ایله
بابامی علیهمزه تحریک ایدیور .

مرعاده سس سز ، دالغین ، بزی کورمن کبی
قویونلرک آره سنده دولاشان بو چوجق ،
کورمیور میسکمز ، نصل اقشاملری آتشی
قدرتلی وعظمتلی اولویور .

یهودا — سزك كوزلریكنز اقشام كونشلیرى كې قیزیل ..
یوزیکز غضبلی ، اغزیكز کوپوریور نه وار؟
هپسی — بز ، ابدیاً حقیر، بز اسرائیلک اصل اولادلی
اولدیغمز حالده بز دن صکره کلن بر کوچك
اولادك کولهسی . راحله نك ذرتی اوکنده
بوجککری کپی یرلرده سورونیوز .

یهودا — یوسف ، یوسف ، اونه درکه بر چوجق !
صکره اونى اسرائیل سوییورسه نه اولور ؟
دان — اویله یا نه اولور !

یهودا — نه ایی خاطرلارم .. برکون ، اقشام وقتی ،
چوق سنه اولیور . راحله نك چادیرنده بر
قادینك بوغوق حنچقریققرله اغلادیغنی دویدم .
سورومده اولهن براوغلاغی بابامه خبرویرمک
اچون کیدیوردم . همان سورینه رک چادرک
ارقاسندن بر یر بولوب ایچری بی کوزه تله دم .
بابام قرانلقلاشان چادرک دیرکنه دایانمش .
راحله یوز اوستی ، باشی بابامک ایاقلی
اوستنده اغلایوردی .

آلاجه قراکلقدده بوتون کوملیکی اوزرینه
یاییلان صاچلری دالغهلریله آیسز، ییلدیززسز
کیجه لرده شریعه یه بکیزه یوردی . او زمان

جانمده برآز راحت حس ایتدم . آنه مک
طالعی ایچین اونک طور اقلرده سوروندیکی
کورمک نه ای بر شی دی . بردنبره بابامک
ایاقلرنده کی سیاهلقدن آجی آجی « بکا بر اولاد
ویر یوقسه اوله جکم . دیه بر فریادیو کسیدی .
اووقت سورولرده اوغلاقلری آلتیجه حایقران
قویونلرک سسلرینی ایشیدیرکی جانم قاریشیدی .
بابامک کوزلری قیرمزی، بویننده کی دامارلر
شیشمیشدی :

« قالدین ، بن رب یهووامی یم که سکا اولاد
ویره بیلیم » دیه کورله دیکنی ایشتم .
ایرتسی کون اینک ایشقده بز سورولرله
کیدرکن بابام جلعاد طاغنک تاپه سنده ،
اللری طورونجی کوکلرده یوکسک سسله
راحله یی میوه دار ایتسی ایچون ربه یالواریور-
دی . صوکر رب اونک دعاسنی قبول ایتدی
ویوسف طوغدی .

سمعون — شمدی زرده ایسه نه یاپدیغمزی کورمک ،
قباحتلرمزی اکلا یوب بابامه سویله مک ایچین
کلیر .

هتتا — اویله ایسه یواش قونوشو کوز. هله یهودانک
سسی بوتون چولی طوتیور .

یهودا — ناصل یواش قونوشیکوز، چیقار جاعادطاغنک
تا تپه سندن یوسفه حایقیر یرم . داها دونکی
چوجوق ! سورونک قوچلری اوغلاقلردیمی
قاچه جق، ارسلانلر تیلکی یاورولری اوکنده
تتره یه جکار می ؟

سمعون — نفثا ، بز لئه نک اوغللری ، سز لر کی جاریه
چوجوقلری دکلز . بز ایلاک قادینک، یا هووانک
کوزنده عزت و لطف بولان قادینک اولاد-
لری یز . بز غضبنتجه حکمدار اوغوللری
قتل ایتمه دکمی ؟ بز حدت ایدنجه صغیرلری
پارچالامدقی ؟ اسرائیل بیله بزم قلنجمزی
ظلم آلتی دیه توصیف ایتمه دیمی ؟ بز یوموشاق
سیاه کوزلی یوسفی ایسترسهک عینی قلنجله
پارچالارز .

دان — ناصل راٹوبین هیچ راضی اولور می ؟
نفثا — اوت راٹوبین، راٹوبین داتما یوسفه شفقت
بسلر ، راٹوبین اوبر قادین کی یوموشاق .
اوساده قایناقلردن صوچکن قیزلرک دستیلرینه
باغلی، او، کیجه لری آبی، صبا حلری کونشی

بکالر. او، چولک ییلدیزلری، کوکی، صولری
وقایناقلری برده قادینلرینه باغلانمش. اوئی
دیكلرمی یز؟

دان — اوت باقک او هیچ لقردی سویله یورمی؟
دها کچن کون رؤیاسنده ترلاده باش اقلری
باغلارگن اونک دمتی دیکیلوب دوردیغنی
بزم دمتلر اوئی قوشادوب عرض عبودیت
ایتدیکنی کورمه مشمی؟

جاد — بابامک نیتنی اوکایه ووا رؤیاسنده کوسترمش.
عجله ایدوب اورته دن قالدیرمازسه گز...
یهودا — ابراهیم باباضنامه یمین ایدرم که اوئی حکمدار
کورمکدنسه اللرمله اولدیریرم!

جاد — اولدیرم لم!

نفثا — قویویه آتالم!

هپسی — اولدیرم لم!

سمعون — قرده شلر، یوسف کلپور.

یوسف — ایکی ساعتدر سزی آرییورم. سحرالرده
دولاشدم، دولاشدم نهایت برآدمه راست
کادم. نه آرییورسک دیه صورددی: «لطفاً
برادرلرم سورولرینی نروده اوتلادییور؟»
دیه صوردم «بورادن کیتدیلم، دوتانه کیده لم.

دیدیکلرینی ایشتم دیدی . سزه بوکون نه
اولدی هیکیزك قاشیلری چاتیق ، آلتکیز
بولوطلی ، کوزلریکزدن غضب ، حدت
آقییور ؟

یهودا — سکانه اولیور ؟ ایسترسهك غضبلی ایسترسهك
حدتلی .

یوسف — یك اعلی ! ذاتاسزلرك یانکیزده یابانجی یالکیز
بن . ساده بابامه باقارم . بابامك محبتی نی ایصیدیر ،
کوزلری قلبمی ایدینلاتیر .

سمعون — باقالم سن بابامك قلبی دهانه قدر زمان ایدینلا .
ته جقسك !

یوسف — هر زمان ایچین ، نیچین اکلنیور سکیز ؟ بن اسرائیل
اولادلرندن یاهووانك نظرنده اک چوق لطف
بولان چوجغم . دهانه درن کیجه رؤیامده
کونش ، آی ، واون بر ییلدیز بکا سجده
ایتدی .

سمعون — اوزرمزه حکومتها !

یوسف — بوسباح بابامه بورؤیایی نقل ایتدم : دیدی که :
بن برادرلرنک وبوتون قبیله سکاعرض عبودیت
ایده جکیز .

یهودا — صوصدیریکیز !

هپسی — طوتك اولديرك!
 راڻويين — نچين اولديرهلم؟ برآز صوصكز وڻي
 دكله يڪز! بابامك اختيارباشي اوستنده كول،
 اكيلمش اوموزلري اوستنده چيل مي كوره.
 جكسكز؟

هپسی — بز اولادلری دكلمی بز؟
 راڻويين — خاير! ارتق اولاد، ذريت اونك اچين بر
 هيچ، معناسز وبوش بركله اولور.
 هپسی — اويله ايسه يوسف اولسون وبابامز اضطراب
 چكسون!

راڻويين — خاير دورك! هيچ اولمازسه اسراييل اولادي
 آراسنده ايكنجي برقابل اولماسون!
 يهودا — اويله ايسه نه يالم؟

راڻويين — بن چاره سيني دوشوندم استماعيلي كاروانلر
 مصر ديارينه بهارلر بلسام ومرضاف يوكلي
 دوه لريله كيدرلر اونلره يوسف صاتارز.
 كوملكني قانه بولارز؟ بابامزه كوتورورز!
 هپسی — كیده لم!



ایکینچی پرده

فرعونك سراجنه

[يوسف وزوجه سی آسنات قونوشورلر]
آسناتك رقاصه لری اوینارلر ، يوسف محزون دوشونور !

آسنات — سحر قدر کوزل النیکده دائما اقشام کولیکه لری ،
کونش قدر پارلاق کوزلر کده دائما کیجه نك
قرا کلخی ، رانك عظمت حسنی اولان
یاناقلر کده سنه لردنبری ایچنه دوکدیکك
یاشلرک حزنی وار .

یوسف — بنم ده شطارتی ، نشئینی ، سعادتق سودیکم
کونلر .. رقص کورمکی ، حتی رقص اتمکی
سودیکم کونلر واردی . صوکرار بر کون
بردنبره ، ساکن صولرئنا وستندن کچن روز کارلر
کبی ، بر روز کار جانمی قارشدردی . کونشی
قرارتان بولوطلر کبی برقاره بولوط روحك
کونشی قرارتدی .

آسنات — قورقارم ینه باشکده ارض فلسطینك آجی
یلاری اسیور .

یوسف — اوت آسنات ، بوکون ینه قوباریلوب آتیلدیغ
رب دیارندن جانمی الت اوست ایدن سسلر
کلور ، روحی بایلدان قوقولر دویورم .
یاناقلریمی صاحلریمی اورانک طاتلی هواسی
اوقشایور ، شریعه نك یشیل صولرینی ایچرکن
مهلهشن قویونلرک چینغراقلری بنی چاغریور .
آسنات — بواسکی یارالری سنده دهشن یکی برشیمی
اولدی .

یوسف — ارض فلسطیندن ارزاق ایچین ایلک قافله نك
بورایه کلدیکنی بیلورسک .

آسنات — اه هیچ اونوتورمیم؟ اوکون افندیك یوزی
نقدر کدرلی ایدی . افندیه اوقافله ده پدرینك
خانه سندن بیلدیکی وارمی دیه صوراجقدم .
فقط اونلری جاسوس دیه عظیم بر غضبه
زندانه آتدیغنی دویدم ، قورقدم ، صوصدم .
یوسف — اونلری جاسوس دیه زندانه اتمام آسنات !
آسنات — خیر سزلقمی ایتدیلر .

یوسف — خایر اونلر خیر سزلقده ایده منزلر آسنات !
آسنات — آدمی اولدر دیلر ؟

یوسف — داها فنا برشی یاپدیلر .
آسنات — داها فنا برشیمی ؟

یوسف — اونلر قارده شلرینی یکر می قطعه کو موش مقابله
اسیر دیه ساتدیلر !

آسنا — افندم، افندم سن بو آدمیری نره دن طانیوردک؟
یوسف — نره دمی طانیوردم ؟ آسنا ، سن حقیقت
بنی عادی برکوله می ظن ایدردک ؟ آسنا
ایشته قاردهش الیه اسارته دوشن بندم .
واونلرده بنم قارده شلرمدرلر .

آسنا — افندمک آلنده کی قارانلی ، کوزلرنده کی
کولککبی، جاننده کی غصه بی شیمدی اکلادم .
اونلری آرتق افندم قتل ایدر دگی ؟

یوسف — قتلمی آسنا ؟ بن اونلری حبسده بیله
براقام . بن قارده شلر مه و بوتون قبیله یه حکم
ایدرکن ، اونلرک هیچ برینی سومکی بیلمزدم .
بن و بنیامین بابامک اصل اولادلری ایدک . بز
بابامک قزاق ایچین اون دوت سنه آلندن
تر آقدیغی کوزل راحله نک چوجقلری ایدک .
بابام ساده بندن و بنیامیندن بحث ایدرکن
قارمدن اولان چوجقلم دیر ایدی، اوته کیلر
ساده جه هیچ سومه دیکی قادینلردن، اسرائیل
قبیله سنی چوغالتمق ایچین کلن ذریتدی . فقط

یز، بن وبنیامین عشقنک، جاننک چو -
چقلری ایدک .

آسناث — قارده شلرک سنی قیصقانلر می ایدی . عذاب
چکرلر میدی ؟

یوسف — اوت چکرلردی . فقط بابامز راحله دن باشقه
برشی جاننک کوزیله کورمه دیککی کبی آنامز
راحله اولدکن صوکر ایا لکیز بی کوردی .
قییله بزه یعقوبک کونشی، آبی دیردی . آم
قورقارم که آسناث بابامک کوزلرنده کی نور
مطلق بندن صوکر اقرارمش اولاجق .

آسناث — افندمک مشقتلرینی شیمدی آکلادم .

یوسف — وقتا که اسارته، یالکیزلغه، مشقته دوشدم .
اوزمان رب بنی الک کوچ، الک عذابلی واسطه لرله
ده نه دی . فقط بن یعقوبک اتشی قومنه
ویره جک اولان چوجق، رب یهو وایی بر
آن اونو تادم . اولا بابامک و قییه نک کوزلرینی
آیدینا لاتان کوزلرکم بنی قرانلق زندانلره
آتدردی . زندانده امیدسز، ایشقسز، جانمده
رب یهو وایی کیجه لر، گوندوزلر، آیلروسنه لرجه
دوشندم . ایچمدن برشی بکا ربمز یهو وآنک
بنی بوزایه ربانی بر مقصد ایچین کوندردیکنی

سویله دی بکله دم، بکله دم. قرانلق زمانک
 بیتمز ظلمتنده هب مملکتیمدن برقوقو، بر خیر
 برسس، بر خیال بکله دم.

آسنات — نهایت ایشته قردش لک افندم.

یوسف — فقط ارض کنعاندن کوچک بر روز کاره راضی
 ایکن قردش لری می رو یاده کی کی تخت مک او کنده
 بکا عبودیت ایدر کن کورونجه جانمده اسکی
 کونلرک مشقتلری حسرتلری، اضطرابلری
 وحجابلری دودیم. واونلره اوزمان سرت
 حشملی، ومدهش داوراندم. بونلر بنی رب
 دیارندن، بابامدن، بنیامیندن آیرمشلردی.
 ارض کنعاندن کلن کوچک بر روز کارایچین
 هپسنی عفو ایتدی رب یهو وایه عهد ایتشدم
 فقط بن ات وقاندن اولان انسان بو عهد می
 همان اونوتدم.

آسنات — افندمک حق واریدی.

یوسف — آسنات ظن ایتمه که اونلری یالکز اسکی
 جرملری ایچین زندانه آتدم؛ اونلرک آراسنده
 بنیامینی کورمه دیکم ایچین.

آسنات — افندم قردش لری که کندیک بیلدرسه ک و بنیامینی
 اونلردن ایسته سه ک.

یوسف — اونلره حالا ایچمدن اینانامیورم.
اونک ایچین بنیامینی کوکسمه باصدرمادن
اونلره کنیدی می بیلدرمک ایسته م.
(بر خدمتکار کیرر)

خدمتکار — ماینچی یقشان عبرانیلر ایچین اقدمک امرینی
بکله یور .

یوسف — (قالقارق) سن دائره که چکیل ملکه! سن ده
سویله یقشان امرلریمی الحق ایچین بورایه
کلسین .

یوسف — (یالکیز) بابا، بنیامین، نه وقته قدر سسمی
دویمایه جقسکیز، نه وقته قدر سزه دوقوناما-
یه جغم؟ بابا بابا سنک کوکسکک اوستنه بردفعه
باشمی قویار، سنک بویوک الکی آلمده
دویارسم، انجق بو عذاب کونلری کچه جک،
سن بنیامین سیاه پارلاق باشکی نه وقت کوکسمه
قویارسهک او وقت اوراده کی کوندن کونه
آزان یاره شفا بولاجق بویسانجی مملکت،
بوتاج وتخت، بوهرشی سزک وقیله کزاک
خلاصی ایچین المده ربک بخش ایتدیکی
برواسطه. بواحتشامی بوتون سزک جلالکیز،
حق ذخیره انبارلریمی سزک حیاتکیز ایچین

سویورم. بوعظیم مملکتی ملک التنده سزک
 ذریتکیز قدر تکیز ایچین طوتیورم. تاکه
 مصریه ووانک سچدیکی اسرائیل قومنک اولا..
 نی، سزی برداها کورمکدن منعه چالیشانلره
 ویل

یقشان — (کیرر) افندمک امری اوزره عبانیلری
 کتیردم. داها نه یامماچی افندم امر ایدر.

یوسف — کندیلرینی بورایه کتیریکیز.

[یقشان کیرر، قیوی آچار، یوسفک اون
 قردهشی باشلری اوکثرنده کیررلر، یوسفی
 درین برعبودیتله سلاملاقدن صکره بکلرلر]
 یوسف — نیچون جاسوس اولدیغکیزی سویله میورسکیز؟
 بوقدر غلبه لک برتک آدمک اولادلری اولا -
 بیلیرمی؟ سزه دیدیکم کی بو دیارک ضعفی
 آ کلامق ایچون کلدیکز.

راثوین — بز افندمه داها اولده سویله دک. سز لر ناصل
 بومعظم دیارک ملککی، صاحبی ایسه کز،
 بزم مملکت مزده ده بابامز نامدار برآمددر.
 ربمکز سچدیکی بر قومک باشیدر. بز هپ
 اونک اولادلرینیز. بو دیار برکته بوتون

دنیا دن ذخیره آلمق ایچون ناصل کلینورسه
بزده کلدک .

یهودا — وقتیه بزم مملکت مزده زنکین فیضدار مرعا-
لریمز، نهایتسز سورولریمز، خوش میوه لرمن،
لذیذ بالارمن، خرما لریمز و معطر بهار،
مرصاف مزله طاشاردی، شیمدی، باشدن باشه
قورو، سیاه و یانغین طوپراقلردن باشقه برشی
قلمادی .

یوسف — یا برده براقدیغکز کوچوک برقردهش وعلیل
بر بابا کز اولدیغی سویلور ایدیکز اونلر
آجلقدن هلاک اولمورمی ؟

راثوبین — افندم اونلر صوک لقمه مزی براقه رق کلدک .
اونلر شیمدی بوئون قرداشلرک کوزینک
بیک، جانی، هر شی بز اون قاردهش
کوزیمزک نوری، قولمزک قوتی ایله اونلری
بسله یورز، اونلر باققدن باشقه برشی یامق
ایسته میوزز . علیل بابامز او قدر کدرلی که
برشی اونک یوزینی کوکلنی خوش اتمه یور .
یوسف — نه دن ؟

یهووا — بر قارده شمز غائب اولدیده اونک ایچون .
یوسف — او قارده شگیز ایچون بابا کز چوق آغلا یورمی ؟

راثوین — اوت ؛ فقط شیمدی اونک کوکلنی کوزینی

کوچوک قارده شمر تسلی ایدیور .

یوسف — کوچوک قارده شکر ، کوچک قارده شکر ،
بوده بر یالان .

جاد — اقدمه نیچون یالان سویله بهیم ؟

یوسف — [دانی کوستره رک] مثلاً سن باقیم قارده شکر

یوزینی تمریف ایت ، یالان سویله یوب سویله-
مهدیکنی بیلهیم .

نفتا — ملک قارده شمرک یوزینی طایرمی که ؟

راثوین — [نفتایه خطاباً] ملکی قیزدیر مقمی ایستور-

سک صوص [یوسفه خطاباً] اقدم ،

قارده شمر شیمدی چولک اک کوزل فدانیدر .

کوزلری خرما دالارینک قارا کلقدمه کی
یشیللرینه بکزر .

یهودا — صاچلری غائب اولان قارده شمرک صاچنه
بکزر .

دان — اونک ایچون بابامز قارا کلک باصنجه کوز

یاشندن قاراران کوزلریله یوزینی گوره مهدیکندن

تترهک الدریله باشنی کوکسنه چکر صاچلرینی

اوزون اوزون قوقلار .

يوسف — (متهيج) ھې يالان ھې يالان اوقارده شىكزى
بورايە كىتىرمەدن اينانمايە جىغى سويلەدم ،
ينە اينانمايە جىغم دوشونىكز ، قونوشىكز ،
دوغرىسنى بىكا سويلەيىكز .

يھودا — (قارده شلىرىنە) بىز جاريە اولادلىرىنىك تزويرينە
قاپىلدىق . قردە شىمىزە فىئالىق ايتىك . شىمدى
آچ ، ذليل وحقير اولوبورز .

جاد — جاريە اولادلىرى اويلەمى ؟ سىن يھودا ك
اول اولديرە جىككى سويلەمەدىكى ؟

دان — سىن اولماسەك ، بىز ناصىل يالىكز اوقىالى
ايدە بىلىردىك .

جاد — سىن نفتا اونى ياقاسىندن طوتوب سوروكلەدىك .
دان — سىن دە كارواندن پارەسنى آلدىك .

يھودا — آھ سىز يىلانلر كى اوكا مەرھىت ايتەدىكز
سىز ھې پارە ايچون حرص ايچون .

رائوئين — صوصىكز ، ھىمىز قىباحىلىز ؛ اونىك اضطرانى
كوروب مەرھىت ايتەدىك اونىك ايچون ياهووا
بىزە نصىبىمىزە كورە ويرىيور .

يھودا — صوص ! رائوئين بابامىك كوزلىرىنى قوروتان
ياشلىر قلىنە آقە آقە يوسفىك صورتى حىك
ايتىدى . اصل ايچم اونىك ايچون يانيور .

سمعون — بنده مصره کلدیکمز دن بری اونی اطرافزده،

جانمزه حس ایدینورم .

یهودا — بنده ایچم قاریشیور. باق سمعون آغلایور.

سمعون — بابامز کور، کوچوک قارده شمز آچ، دیارمن

قحطلق و ذلت ایچنده . بز لر اجنبی دیارنده

محقر برر دیلنجی آه یوسف یوسف بوسنک

حقک .

[هپسی متأثر آغلاشیرلر]

یوسف — بکا باقیکنز آرا کزدن برنی رهین آلاقویورم

بابا کز و قبیله کز ایچون ذخیره ویره جکم .

فقط ارض کنعانه واریر وارماز کوچوک

قارده شکزی همان بکا کتیریکز .

[یوسفک قارده شلری متجسس بربرلریله

فیصلدا شیرکن، یوسف اشارت ایدر، کندی

تختندن اینهر سمعونی باغلارلر .

یوسف — [یقشانه] بونلرک چوواللرینی ذخیره ایله

دولدرک . [یاواشجه یقشانه] فقط اجر تلرینی ده


خبرلری اولمادن قبالی چوواللرینه قوییکز

[قارده شلرینه] شیمدی کیدیکز قوممکزک

ربی سزکله اولسون .

کنعان چوبانلری

[قرده شلر ملیخی سلاملر . کوزلری یاشلی
مضطرب چیقارلرکن یوسف آرقه لرندن
باقه رق آغلار]



اوچنجی پرده

یوسف ، پادشاه

« ینه مصر سلطاننک سراینده . . . یوسف
قردهلرینی بکله یور . ارتق ارض کنعان ایله
یوسفک حکمران اولدینی مصر آراسنده
روحلری بربرینه چکن ، برندن خبرداریدن
کیزی بر یول وار .

« یعقوبک سنه لردنبری بدبخت وبوش کو کسنده
صاقلادینی یوسفک کو کلنده یکی بر حیات او یانیور
یوسف قورقیور .

« یوسف رؤیا لرنده یشیل شریعه نک او بر
طرفنده یشایانلری کورو یور ؛ یعقوب او کاسو نمش
کوزلریله باقیور ، بنیامین کچی یاوروسی کی سیاه
قیور بنق صاحلریله یورننک آلتنه صوقولیور ،
قوزولر مله شیور ؛ چنغراق خیاللری قوال
ایکیلتیلری دورمیور . فقط حالا نه قردهلر
نه ده بنیامین !

« عجیبا رب ، یوسفی ، اولاد اسرائیله یکی بر
قوت و احتشام و یرمک ایچین سوق ایتدیکی

بر وقتکی عذاب فقط شیمدی تاج و تحت

و دبدبه دیارنده اونودی می ؟ »

یوسف — [بنجره نك كنارنده متأثرانه دوشمنوركن

بوتون یوقارده کی خیالات کوزلری اوستندن

کچور:] یقشان هیچ ارض کنعاندن کروان

کلیور می ؟

یقشان — کلیور ملك .

یوسف — [دالغین] ارض کنعانك آرتق رنکی صولدی .

کوزللیکی قوروددی . نشئه سی قراردی .

اوراسنی جنت یاپان لطفکار صیجاقلق شیمدی

قورودوب یاقان برجهنم آتشی اولدی .

ارتق سکنه سی هر انسان کی یمك بيله یمه یور

غالبا . (چاغیریر) یقشان !

یقشان — افندیم نه امر ایدر ؟

یوسف — آدم لر کوندر . عبرانی دیارندن کاروانلر وارمی

کوزله سونلر ، کلسینلر خبر ویرسینلر .

(یقشان کیرر)

یقشان — افندمنه مژده لر کتیردم . عبرانیلر کلدیلر .

یوسف — (تالاشله) یانلرنده کوچك قرده شلری وارمی

یقشان — کندیلرینی یاقیندن کورمه دیکم ایچین افندیمه

دوغرو خبر ویره میه جکم .

یوسف — اویله ایسه یقشان کیت کنیدیلرخی آل، چابق
یاغمه کتیر. حبسده کی عبرانی ده برابر اولسون.

(خدمتکار سلاملار چیقار)

(یقشان عبرانیلرک اوکنده کلیر. یوسفک بوتون
قرده شلری اوکلرنده بنیامینی الندن طوتارق
راثوینله کلیرلر. هپسنک النده برتقدمه ایله
تختک ایاغنه کلیر، برر برر براقه رق عرض
عبودیت ایدرلر)

[بنیامین النده کی بالی راثوینله برابر تقدیم
ایدر.]

راثوین — افندمزه دیاریمزک بالندن تقدمه کتیردک.
لطفاً افندمک کوزنده رغبت بولسون.
[یوسف باشیله قبول اشارتی یاپار؛ چکیلرلر.]

یهودا — بن ده افندمه برمقدار مرصاف یلسام تقدیمه
جسارت ایدیورم.

جاد — [النده پاره] کچن دفعه عودتمزده منزله
واروب چواللریمزی آچنجه هر بریمزک آچمه سفی
چواللریمزک ایچنده بولاق اونلری بریا کلشقله
قونمشدر. ديه افندمه تکرار تقدیم ایدیورم.

یوسف — آچقه کزی تکرار قویئکزه قویکیز . اونی
سزه بابا کزک ربی بخش اتمشدر . [جادسلاملار
چکیلر]

یوسف — علیل بابا کز ناصل ؟ صاغ وسالمی ؟
راثوبین — بابام قولکیز صاغ وسالمدر . ملک عمری
واجالی ایچین یهو وایه دعا ایدیور .
یوسف — [تختندن اینوب بنیامینی کوستره رک] کوچک
قرده شکیز بومیدر ؟
راثوبین — اوت ملک .

یوسف — [متأثر الی چوجغک باشنه قور، چکسندن
طوتوب یوزینی کندیسنه قالدیرارق کوزلری
یاشلی] ربمز سکا عنایت ایتسون ای اوغلوم .
[بردنبه ، فضله تهیج اودادن چیقار]

یقشان — ملک بوکون پک لطفکارلی اوستنده .
جاد — هدیه لریمزدن ممنون اولدی غالباً .

راثوبین — فقط کوزلری قب قرمزی . الی بنیامینک
باشنه قویدیغی وقت پارمقلری تتره یوردی .
سمعون — قرده شلر بنی دیکله بیکیز . ملک مطلق
درین برکدری وار . هم کوزلری نقدر
یوسفه بکزه پور . دقت ایتدیگیزی ؟

جاد — معاذام بوا کر قارده شمز یوسف اولسه
او وقت هانکیمز صاغ قالیردق .

راثوبین — کاشکه بوملک یوسف اولسه ، چونکه جانم
اونی کوردکجه دوتانده کی قره کونک آجیسیله
پارچه لانیور ، یوسفی دیله تیور .

[یوسف کبرر ، تخته دوغری و کیده دک یقشان
چاغیرر] .

یوسف — یقشان ، بو آدملری کوتور ، راحت ایتدیر ،
داوار کس ، لذیذیمکله حاضرلا ، اوکله
یمکنی یه سونلر و برابرجه شادمان اولسونلر .
[قرده شلر سلاملار چیقارلر]

[یوسف متأثر ، حیران آیاقده آرقه لرندن
باقارکن ملکه آسنات کیرر]

آسنات — افندمدن اذن چیقمدان کلدیکم ایچین افندم
عفو ایتسون . چونکه سرایده حتی بتون
مصرده بوکون جامی قارشیدیران برهوا اسیور .
افندمک کوزلری ده یاشلی ، ینه نه اولدی .
یوسف — قرده شلرم کلدی آسنات !

آسنات — افندمک جانی حسرتله آجقدیران کوچک
قرده شنی ده کتیردیلمی ؟

یوسف — اوت آسات.

آسات — افندم حالا کندی قردشلینه بیلدرمه دیمی؟

یوسف — چوجقمیسک آسات؟ ربمزلک سچدیکی بنی

اسرائیل اک معظم، اک الهی کوتی بوکون

ادراک ایدم جک. اوزرلرندن فلاکت بولوطنی

قالدرمغه ربمزلک بن عاجز قولتک الی مأمور

ایتدی. فقط اولری براز داها دهنه جکم.

اولره سلامت وشاداک کونی کلمدن ربک

غضبیه نه اولابیله جکینی ا کلا تمام ایجاب ایدیور.

آسات — نه یاپا جقسک ملک؟

یوسف — [اساته جواب ویرمه دن خدمتکاره] کیت

یقشانی چاغس. [اساته] سکامدهش کورینه جک

شیلر پیاچغم، فقط ربک امرینی یرینه کتیرمک

ایچین؛ قرا کلقدن صوکرانور، کوزیاشندن

صوکرانور سوینج اولاجق.

[یقشان کیرر]

یقشان — افندم نه امر ایدر؟

یوسف — عبرانیلر یمک ییدیلرمی؟

یقشان — ییدلر افندم. حتی چواللری ده یوکلندی.

ینه افندمک امری اوزره چواللرینه ذخیره

آچهلرینی قویدق. حرکت ایتک ایچین اقدمک
اذنی بکله یورلر .

یوسف — آل شو کموش کاسه یی خبرسزجه کوچک
قرده شلرینک چوالنه قوی. حرکت ایدرایتمز
توقیف ایت ، خیرسز دیه حضوریمه کتیر.
اسنات — اقدم نهایت انتقامی آلاجق ؟

یوسف — خایر آسناث خایر . سن شیمدی راحتجه
داثره که کیت ، بن یالکیز قالمق ایسته یورم .
[اسنات چیقار . یوسف متأثر باشی الری
ایچنده اوزون اوزون دوشنور . دیشاریدن
کورولتولر ایشیدیلر]

هپسی — بزچالمادق . بز خیرسز دکلز..
[بوغوق مکالمه لر]

یهووا — نیچین بز یاقامزدن طوتوب سورکلیورسکیز؟
هپسی — نیچین ، نیچین ؟ بز ی ملکه کتوروک کندیسنه
اکلاده جغز .

[یوسف آیاقدمه متهیج دیکلرکن یقشان
عبرانیلری کتیریر. اوستلری بیرتلش ، پارچا-
لانمش ، یذامین راثنوینک یاننه صوقولمش
پریشان کیرلر ، هپ یره قاپانیرلر]

یوسف — بویایدیغسکز ایش نه در، بن که فرعونك رؤیا.

لرینی بیله تعبیره قادرم ناصل اولیورده غائبك
بكا معلوم اولاجغنی بیلمه یورسکز ؟

یهودا — (زبون) افندمه نه سویله یه لم ؟ نه ایله افندمك
حضورنده کندیمزی تمیزلیه لم ؟ رب نهایت بزه
وقتیله ایشله ریکمز عظیم کناھك جزاسنی
ویردی. ایشته هیمز افندمك کوله سبز .

یوسف — حاشا ! بن عادل بر حکمدارم. هپکمز سلامتله
بابا کزه و دیار کزه دونسکز . کیمك النده
کاسه بولندیسه او بكا کوله اولاجقدر.

راثوبین — افندم قولك بو چوجق ایچین بابامه کفیل اولدم.
اكر اونی سكا کتیرمز سه م ابدیا عندکده
قباحتلی اولایم دیدم . لطف ایت ، چوجق
قرده شلرمله دونسون، بن افندمه کوله اولایم.
ریمز نامنه یمین ایدرمکه افندمه دها غیرتلی
وفائده لی بر کوله اولورم.

سمعون — افندم بز یه ووانك یاننده قباحتلی انسانلرز .
بزه ایسته دیکك اشکنجه بی اجرا ایت .
فقط بابامك جانی بو چوجغك حیاته باغایدر
بز بو چوجقسسز دونسه ك مطلق جانی ایچنده
قوپار ، بیاض باشی کدرله مزاره اینه ر .

یوسف — عبرانیلردن باشقه هر کس طیشاری چیقسون.
 [هر کس خشوعله سالاملار چیقار یوسف
 تختدن اینه رک] بن مصره ساتدیغکیزیوسفم
 بنی طانیدکیزی ؟


[هپسی دهشتله یره قپانیر]

یوسف — قالقکیزی، الم چکمه ییکیزی. سز ربک مقصدینی
 اجرا ایتدیکیزی. یهووا نسلکیزی محافظه
 و سزی خلاصله حیاته صاقلامق ایچین بنی
 اوگکیزی صره مصره ارسال ایتدی. بن
 بوتون مصر دیارینه حاکم اولدم. کیدک بابامه
 سویله یک، سونمش کوزلرینه نور، قرانلق
 و آجی روحنه سرور کلسون. اوغلاک یوسفک
 برکت و عظمت دیارنده، سنی نهایتسز برعشقله
 سون قلمیک اوستنه باشکی قوی کوزلرک
 و روحک شفا بولسون.

هپسی — « سن بنیامین سیاه پارلاق باشکی نه وقت
 کوکسمه قویارسهک او وقت اوراده کوندن
 کونه آزان یارا شفا بولاجق ! »

برده اینر









3 1761 08159592 8

Adivar, Halide Edib
Ken'an gobanlari

PL
248
A3K4